



Broj: 01-04-2-26/2022

Sarajevo, 31.08.2022. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te odredbi člana 70. stav (3) Zakona o javnim nabavkama („Službeni glasnik BiH“, broj 39/14), direktor Fonda za zaštitu okoliša Federacije BiH donosi sljedeću

ODLUKU

o izboru najpovoljnijeg ponuđača

I

Najpovoljnijem ponuđaču Adriatic osiguranje d.d. Sarajevo, broj ponude: 124/22 od 16.08.2022. godine, u postupku javne nabavke usluga osiguranja imovine i radnika Fonda za zaštitu okoliša Federacije BiH, dodjeljuje se okvirni sporazum o nabavci usluga osiguranja imovine i radnika Fonda za zaštitu okoliša Federacije BiH, u iznosu od 6.282,53 KM bez PDV-a.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 01-04-2-224/2022 od 25.07.2022. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke bila je do 8.500,00 KM bez PDV-a.

Obavještenje o nabavci broj: 1382-7-2-10-3-6/22 objavljeno je na e-Portal javnih nabavki dana 29.07.2022. godine u 12:23 sati, dok je na osnovu člana 9. stav (5) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, broj 90/14 i 53/15), Poziv za preuzimanje tenderske dokumentacije u sistemu „E-nabavke“ upućen sljedećim privrednim subjektima putem e-maila:

- Sarajevo-osiguranje d.d. Sarajevo, info@sarajevoosiguranje.ba,
- Asa osiguranje d.d. Sarajevo, info@asa-osiguranje.ba,
- Adriatic osiguranje d.d. Sarajevo, sa@adriatic.ba.

Tendersku dokumentaciju, broj: 01-04-2-3024/2022 od 29.07.2022. godine (u daljem tekstu: tenderska dokumentacija) preuzelo je 12 (dvanaest) ponuđača, dok su ponude u skladu sa provedenim postupkom javne nabavke dostavili sljedeći ponuđači:

R.br.	Broj protokola	Naziv ponuđača	Datum i sat prijema
1.	U-04-2765/2022	Adriatic osiguranje d.d. Sarajevo	26.08.2022. godine u 8:50 sati
2.	U-04-2766/2022	Central osiguranje d.d. Sarajevo	26.08.2022. godine u 9:05 sati
3.	U-04-2767/2022	Wiener osiguranje a.d. Banja Luka	26.08.2022. godine u 9:35 sati

Krajnji rok za prijem ponuda bio je 26.08.2022. godine do 12:00 sati.

Komisija za javnu nabavku formirana Rješenjem o imenovanju komisije, broj 01-04-2-234/2022 od 01.08.2022. godine (u daljem tekstu: Komisija) pristupila je javnom otvaranju ponuda dana 26.08.2022. godine u 12:15 sati, te je konstatovala da su dostavljene ponude navedenih ponuđača blagovremene i prihvatljive, o čemu je sačinila Zapisnik o otvaranju ponuda, te kopiju istog dostavila navedenim ponuđačima putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je nakon izvršenog pregleda i ocjene istih utvrdila da:

- ponuda ponuđača Adriatic osiguranje d.d. Sarajevo, broj ponude 124/22 od 16.08.2022. godine sa ponuđenom cijenom u iznosu od 6.282,53 KM bez PDV-a i rokom za isplatu štete u iznosu od 1 (jednog) dana, ispunjava sve uslove propisane u tenderskoj dokumentaciji;
- ponuda ponuđača Central osiguranje d.d. Sarajevo, broj ponude I-14352/22 od 23.08.2022. godine sa ponuđenom cijenom u iznosu od 6.614,52 KM bez PDV-a i rokom za isplatu štete u iznosu od 1 (jednog) dana, ne ispunjava sve uslove propisane u tenderskoj dokumentaciji;
- ponuda ponuđača Wiener osiguranje a.d. Banja Luka, broj ponude 012F-1168/22 od 25.08.2022. godine sa ponuđenom cijenom u iznosu od 7.177,40 KM bez PDV-a i rokom za isplatu štete u iznosu od 1 (jednog) dana, ne ispunjava sve uslove propisane u tenderskoj dokumentaciji.

Na osnovu rezultata pregleda i ocjene ponuda, ponude ponuđača Central osiguranje d.d. Sarajevo i Wiener osiguranje a.d. Banja Luka se odbijaju, jer iste nisu potpune i ne ispunjavaju zahtjeve iz tenderske dokumentacije.

Uvidom u dostavljenu referenc listu izvršenih ugovora na strani 121. ponude ponuđača Central osiguranje d.d. Sarajevo, kao i dostavljenih potvrda na strani 123. i 127. ponude, Komisija je utvrdila da je ponuđač dostavio tražene dokaze, ali da isti nisu dostavljeni kako je naprijed traženo. Naime, Komisija je izvršila uvid u dostavljenu potvrdu od 05.05.2022. godine, kao i potvrdu br. 0103/2021 od 01.03.2021. godine, te je utvrdila da su navedene potvrde u vezi sa predmetom nabavke obzirom da se radi o izvršenju istog ugovora kao što je predmet nabavke, ali da nisu srazmjerne predmetu nabavke obzirom da su ugovoreni iznosi viši od procijenjene vrijednosti nabavke.

Nadalje, uvidom u dostavljenu referenc listu izvršenih usluga na strani 99. ponude ponuđača Wiener osiguranje a.d. Banja Luka, kao i dostavljene potvrde na strani 103. ponude, Komisija je utvrdila da je ponuđač dostavio tražene dokaze, ali da isti nisu dostavljeni kako je naprijed traženo. Naime, Komisija je izvršila uvid u dostavljenu potvrdu br. 76/22 od 12.01.2022. godine, te je utvrdila da je navedena potvrda u vezi sa predmetom nabavke obzirom da se radi o izvršenju istog ugovora kao što je predmet nabavke, ali da nije srazmjerna predmetu nabavke obzirom da su ugovoreni iznosi viši od procijenjene vrijednosti nabavke.

Uzimajući u obzir jedinu prihvatljivu ponudu ponuđača prema kriteriju za izbor ponude, daje se sljedeći pregled:

R.br.	Naziv ponuđača	Cijena	Rok za isplatu štete	Ukupan broj bodova	Rang
1.	Adriatic osiguranje d.d. Sarajevo	6.282,53 KM bez PDV-a	1 dan	100,00	1

Nakon provedenog postupka provjere kvalifikacije ponuđača i ocjene ponuda, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda od 29.08.2022. godine koji ujedno predstavlja i Izvještaj o radu Komisije, zajedno sa Preporukom za donošenje odluke o izboru najpovoljnijeg ponuđača od 29.08.2022. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača ekonomski najpovoljnija ponuda, kao najpovoljnija ponuda u predmetnom postupku javne nabavke smatra se ponuda ponuđača Adriatic osiguranje d.d. Sarajevo, te se okvirni sporazum o nabavci



usluga osiguranja imovine i radnika Fonda za zaštitu okoliša Federacije BiH dodjeljuje ponuđaču Adriatic osiguranje d.d. Sarajevo, broj ponude: 124/22 od 16.08.2022. godine sa ponuđenom cijenom u iznosu od 6.282,53 KM bez PDV-a.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.

Fond za zaštitu okoliša
Federacije BiH

Esad Humo, direktor

Dostaviti:

- ponuđačima
- Sektor za finansije
- a/a